

Ilagiinni ilaasortat kisimik akileraartalersillugit ilaqiinnut akileraarummik naapertuuttumik eqqussisoqarsinnaanersoq pillugu apeqquaqat allaavigalugu oqallinnissamik siunnersuut

(Inatsisartunut ilaasortaq Randi Vestergaard Evaldsen, Demokraatit)

Akissuteqaat

(Ilinniartitaanermut, Kultureqarnermut, Ilisimatusarnermut Ilageeqarnermullu Naalackersuisoq)

Naalackersuisut Inatsisartuni ilaasortaq Randi Vestergaard Evaldsen, Demokraatineersup apeqquaqataa aallaavigalugu oqallisissiaanut qujapput, Kalaallit Nunaanni Ilagiinni ilaasortat kisimik akileraartalersillugit ilaqiinnut akileraarummik naapertuuttumik eqqussisoqarsinnaanersoq.

Sammissaq taanna pillugu siusinnerusukkut Inatsisartuni oqallinnerni Naalackersuisut nassuiaasimapput Ilagiit aningaasalersornissaanut kalaallit peruseriniagaat tunngaviusumik inatsimmi § 68-imut akerliunngitsoq, tassanilu sumik upperisaqarnissamik kiffaangissuseqarneq pineqarpoq. Kalaallit Nunaanni ilaqiinnut immikkut akileraartoqarneq ajorpoq, taamatullu Ilagiinnut inuk nammineq akiliuteqarneq ajorluni. Nalinginnaasumik akileraarutit akitsuutillu aqutigalugit Ilagiinnik aningaasalersuineq - tassani ilaqiinnut ilaasortat ilaasortaangitsullu akiliuteqartarmata - tunngaviusumik inatsisip tunngaviinut ilaavoq.

Ilaqiinnut akileraartitsisalnissap eqqunnissaata ilumut tulluartaunera misissuiffigissallugu akornutissaqanngilaq, taannami aqutigalugu kalaallit ilaqiit aningaasalersorneqassammata.

Akileraarutitut tunngatillugu ilaqiinnut akileraarut eqqutissallugu periarfissaqarpoq. Taamatullu akileraartitsisoqarniarpat inatsisitigut tunngavilerneqartariaqarpoq, it-qarnikkut piareersaasoqartariaqarpoq suliassanillu nassataqarumaarluni. Taamaammat ilaqiinnut akileraarummik eqqussisoqarnera suli ilisimaneqanngitsumik, annikigisassaangitsumilli aningaasartuuteqarnermik nassataqartussaavoq.

Ilagiinnik akileraartitsisarneq eqqunneqanngikkaluarpuunniit Ilagiit iliuutsinut Ilaqiinnut ilaasortaangitsunut atorneqartunut allanngortitsinaviannigilaq, tassami inuiaqatigiinni upperisarsiornermut tunngassuteqanngitsunik suliassanik ilaqiit isumagisaqartarmata, soorlu ilisarsarnerit inunnillu nalunaarsuinerit. Taamaammat Ilagiinniit anisoqarniarpat oqaatigilluaannarlugu imannak kinguneqartussaassaaq Ilagiit suliassaannik neqeroorteqarsinnaassanngillat, paarlattuanilli inuit nalunaarsornerannut attuumassutilinnik suliqaartussaassallutik, soorlu toqusoqarsimatillugu iliveqarfinni ilivissanik inniminniinerit. Kalaallit Nunaanni ilaasortarpasuupput, tassami inuit 94,4 %-ii Ilaqiinnut ilaasortaammata. Naak inuit amerlanngitsut Ilaqiinnut ilaannikkaluartut atsiisarnernut, atinik

allanngortitsinissanut ilisisarnernullu tunngatillugu aaqqiissutissanik
nassaarniarqartuartaussaassaaq.

Siunnersuuteqartup ilagiit akileraartittalernerisigut upperisaqarneq upperisarsiornerlu inuup
nammineq aalajangigassaattut isigippagu taamatut aaqqiiniarneq allaffissornikkut suliasat
allamut nuunnerannik kinguneqartussaassaaq, massakkummi tamakku Ilagiit
isumagisarimmagit. Tamatumunnga atatillugu paasissutissiissutigineqassaaq Naalackersuisut
suleqatigisat attuumassutillit suleqatigalugit suleqatigiissitamik tamatuminnga
misissuisussamik pilersitsinissaaq naatsorsuutigimmassuk.

Taamatut oqaaseqarlunga Naalackersuisut sinnerlugit oqallilluarnissassinnik kissaappassi.